



Laibacher Diöcesanblatt.



Inhalt: 42. Epistola Apostolica Papae Leonis XIII. — 43. General-Bericht der österr. Gesellschaft vom rothen Kreuze. — 44. Concurſ-Berlautbarung. — 45. Chronik der Diöcese.



42.

Epistola Apostolica PAPAE LEONIS XIII.

Principibus populisque universis LEO PP. XIII. Salutem et pacem in domino.

Praeclara gratulationis publicae testimonia, quae toto superiore anno, ob memoriam primordiorum episcopatus Nostri, undique accepimus, quaeque proximo tempore insignis Hispanorum pietas cumulavit, hunc imprimis attulere Nobis laetitiae fructum, quod in illa similitudine concordiaeque voluntatum eluxit Ecclesiae unitas, eiusque cum Pontifice maximo mira coniunctio. Videbatur per eos dies orbis catholicus, quasi rerum ceterarum cepisset oblivio, in aedibus Vaticanis obtutum oculorum animique cogitationem defixisse. Principum legationes, peregrinorum frequentia, plenae amoris epistolae caerimoniae sanctissimae id aperte significabant, in obsequio Apostolicae Sedis cor unum esse omnium catholicorum et animam unam. Quae res hoc etiam accidit iucundior et gratior, quia cum consiliis coeptisque Nostris admodum congruens. Siquidem gnari temporum et memores officii, in omni pontificatus Nostri cursu, hoc constanter spectavimus, atque hoc, quantum docendo agendoque potuimus, conati sumus, colligare Nobiscum arctius omnes gentes omnesque populos, atque in conspicuo ponere vim pontificatus romani, salutarem in omnes partes. Maximas igitur et agimus et habemus gratias primum quidem beni-

gnitati divinae, cuius munere beneficioque id aetatis attigimus incolumes: deinde viris principibus, episcopis, clero privatisque universis, quotquot multiplici testificatione pietatis et obsequii dedere operam ut personam ac dignitatem Nostram honore, Nosque privatim opportuno solatio afficerent.

Quamquam ad plenum solidumque solatium, multura sane defuit. Nam inter ipsas popularis laetitiae studiique significationes, obversabatur animo multitudo ingens, in illo gestientium catholicorum consensu aliena, partim quod evangelicae sapientiae est omnino expers, partim quod, licet christiano initiata nomini, a fide catholica dissidet. Qua re graviter commovebamur, commovemur: neque enim fas est sine intimo doloris sensu cogitationem intendere in tantam generis humani partem longe a Nobis, velut itinere devio, digredientem. — Iamvero, cum Dei omnipotentis vices in terris geramus, qui vult omnes homines salvos fieri et ad agnitionem veritatis venire, cumque Nos et sera aetas et amara curarum ad humanum urgeant exitum, visum est redemptoris magistrique nostri Iesu Christi in eo imitari exemplum, quod proxime ad caelestia rediturus summis precibus a Deo Patre flagitavit, ut alumni sectatoresque sui et mente et

animo unum fierent: *Rogo... ut omnes unum sint, sicut tu Pater in me, et ego in te, ut et ipsi in nobis unum sint.*¹⁾ Quae quidem precatio obsecratioque divina quoniam non eos tantum complectitur qui tunc in Iesum Christum crederent, sed etiam quotquot credituri reliquo tempore essent, ideo dat illa Nobis causam non ineptam aperiendi fidenter vota nostra, conandique, quoad possumus, ut homines, nullo generis locorumve discrimine, ad fidei divinae unitatem vocentur atque incitentur universi.

Urgente propositum caritate, quae illuc accurit celerius, ubi opitulandi necessitas maior, primum quidem provolat animus ad gentes omnium miserimas, quae Evangelii lumen vel nullo modo acceperunt, vel acceptum, incuria seu longinquitate, restinxerunt: proptereaque Deum ignorant, et in summo errore versantur. Quoniam salus omnis a Iesu Christo proficiscitur, *nec enim aliud nomen est sub caelo datum hominibus, in quo nos oporteat salvos fieri,*²⁾ votorum Nostrorum hoc est maximum, posse sacrosancto Iesu nomine cunctas terrarum plagas celeriter imbui atque compleri. Qua in re munus efficere sibi demandatum a Deo Ecclesia quidem nullo tempore praetermisit. Quid enim undeviginti saecula laboravit, quid egit studio constantiaque maiore, quam ut ad veritatem atque instituta christiana gentes adduceret? Hodieque frequenter maria transmittunt, ad ultima loca progressuri, ex auctoritate Nostra praecones Evangelii: quotidieque a Deo contendimus ut multiplicare benigne velit sacrorum administratos, dignos munere apostolico, qui scilicet commoda sua et incolumitatem et vitam ipsam, si res postulaverit pro Christi regno amplificando non dubitent devovere.

Tu vero propera, humani generis servator et parens Iesu Christe: exequi ne differas quod olim te dixisti facturum, ut cum exaltatus esses a terra, omnia traheres ad te ipsum. Ergo illabere aliquando, atque ostende te multitudini infinitae beneficiorum maximorum, quae cruore tuo peperisti mortalibus, adhuc experti: excita sedentes in tene-

bris et umbra mortis, ut radiis illustrati sapientiae virtutisque tuae, in te et per te sint *consummati in unum.*

Cuius quidem unitatis sacramentum cogitantibus, occurrit Nobis universitas populorum, quos ab erroribus diuturnis ad evangelicam, sapientiam divina pietas iamdiu traduxit. Nihil profecto ad recordationem iucundius, neque ad laudem providentissimi numinis praeclarius veterum memoria temporum, cum fides divinitus accepta patrimonium commune atque individuum vulgo habebatur: cum exultas humanitate gentes, locis, ingenio, moribus dissitas, licet aliis de rebus saepe dissiderent, dimicarent, nihilominus in eo, quod ad religionem pertinet, fides christiana universas coniugabat. Ad huius recordationem memoriae, nimis aegre fert animus, quod successu aetatum, suspicionibus inimicitiisque commotis, magnas ac florentes nationes de sinu Ecclesiae romanae male auspiciata tempora abstraxerint. Utcumque sit, Nos quidem gratia confisi misericordiaeque omnipotentis Dei, qui novit unus opitulandi maturitates, et cuius in potestate est eo, quo vult, voluntates hominum flectere, ad eas ipsas nationes adicimus animum, easdemque caritate paterna hortamur atque obsecramus, ut redire, compositis disidiis, velint ad unitatem.

Ac primo peramanter respicimus ad Orientem, unde in orbem universum initio profecta salus. Videlicet expectatio desiderii Nostrum iucundam spem incohare iubet, non longe abfore ut redeant, unde discessere, fide avita gloriaque vetere illustres, Ecclesiae orientales. Eo vel magis quod non ingenti discrimine seiunguntur: imo, si pauca excipias, sic cetera consentimus, ut in ipsis catholici nominis vindiciis non raro ex doctrina, ex more, ex ritibus, quibus orientales utuntur, testimonia atque argumenta promamus. Praecipuum dissidii caput, de romani Pontificis primatu. Verum respiciant ad initia, videant quid maiores senserint sui, quid proxima originibus aetas tradiderit. Inde enim vero illud Christi divinum testimonium, *Tu es Petrus et super hanc petram aedificabo Ecclesiam meam*, luculenter extat de romanis pontificibus comprobatum. Atque in Pontificum numero lectos ex Oriente ipso

¹⁾ Ioan. XVII, 20-21.

²⁾ Act. IV. 12.

non paucos prisca vidit aetas, imprimisque Anacleum, Evaristum, Anicetum, Eleutherium, Zosimum, Agathonem: quorum plerisque contigit, ut universae christianae reipublicae administrationem sapienter sancteque gestam, profuso etiam sanguine consecrarent. — Plane liquet quo tempore, qua causa, quibus auctoribus infelix excitata discordia. Ante illud tempus, quo tempore homo separavit quod Deus coniunxerat, sanctum erat apud omnes christiani orbis gentes sedis Apostolicae nomen, romanoque Pontifici, ut beati Petri successori legitimo, ob eamque rem Iesu Christi in terris vicario, Oriens pariter atque Occidens consentientibus sententiis sine ulla dubitatione parebant. — Hanc ob causam, si respiciatur ad initia dissidii, Photius ipse oratores de rebus suis Romam destinandos curavit: Nicolaus vero I Pontifex maximus Constantinopolim legatos suos, nullo contra dicente, ab Urbe misit, ut *Ignatii Patriarchae causam diligenter investigarent, et Sedi Apostolicae plenis ac veracibus referrent indicibus*: ita ut tota rei gestae historia primatum romanae Sedis, quacum dissensus tum erumpebat, aperte confirmet. — Denique in Conciliis magnis tum Lugdunensi II, tum Florentino, supremam romanorum pontificum potestatem nemo ignorat, facili consensione et una omnes voce, latinos graecosque et dogma sanxisse.

Ista quidem ob hanc rem consulto revocavimus, quia ad reconciliandam pacem velut invitamenta sunt: eo vel magis, quod hoc tempore perspicere in orientalibus videmur multo mitiorem erga catholicos animum, imo propensionem quandam benevolentis voluntatis. Id nominatim non multo ante apparuit, cum scilicet nostris, pietatis causâ in Orientem advectis, egregia humanitatis amicitiaeque praestita officia vidimus. — Itaque *os Nostrum patet ad vos*, quotquot estis, graeco aliove orientali ritu, Ecclesiae catholicae discordes. Magnopere velimus, reputet unusquisque apud se illam, Bessarionis ad patres vestros plenam amoris gravitatisque orationem: *Quae nobis relinquetur apud Deum responsio, quare a fratribus divisi fuerimus, quos ut uniret et ad unum ovile redigeret, ipse descendit de caelo, incarnatus et crucifixus est? quae*

nostra defensio erit apud posteros nostros? non patiamur haec, Patres optimi: non habeamus hanc sententiam, non ita male nobis consulamus et nostris.

— Quae sint postulata Nostra, probe per se ipsa et coram Deo perpendite. Nullâ quidem humana re, sed caritate divina, communisque salutis studio permoti, reconciliationem coniunctionemque cum Ecclesia Romana suademus: coniunctionem intelligimus plenam ac perfectam: talis enim esse nullo modo potest ea, quae nihil amplius inducat, quam certam aliquam dogmatum credendorum concordiam fraternaeque caritatis commutationem. Vera coniunctio inter christianos est, quam auctor Ecclesiae Iesus Christus instituit voluitque, in fidei et regiminis unitate consistens. Neque est cur dubitetis, quidquam propterea vel nos vel successores Nostros de iure vestro, de patriarchalibus privilegiis, de rituali cuiusque Ecclesiae consuetudine detracturos. Quippe hoc etiam fuit, idemque est perpetuo futurum in consilio disciplinaque Apostolicae Sedis positum, propriis cuiusque populi originibus moribusque ex aequo et bono non parce tribuere. — At vero redintegrata nobiscum communionem, mirum profecto quanta Ecclesiis vestris dignitas, quantum decus, divino munere, accedet. Sic igitur vestram ipsorum supplicationem Deus perbenigne audiat, *Fac cessent schismata ecclesiarum,*¹⁾ atque, *Congrega dispersos et reduc errantes, et coniunge sanctae tuae catholicae et apostolicae Ecclesiae:*²⁾ sic ad illam restituamini unam sanctamque fidem, quam ultima vetustas nobis perinde vobisque constantissime tradidit; quam patres ac maiores vestri inviolate servarunt: quam ipsam splendore virtutum, magnitudine ingenii, excellentia doctrinae certatim illustravere Athanasius, Basilius, Gregorius Nazianzenus, Ioannes Chrysostomus, uterque Cyrillus, aliique magni complures, quorum gloria ad Orientem atque Occidentem, tamquam communis hereditas aequae pertinet.

Vosque nominatim compellere hoc loco liceat, Slavorum gentes universae, quarum claritudinem

¹⁾ Παῖσον τὰ σχίσματα τῶν ἐκκλησιῶν (In liturg. S. Basillii.)

²⁾ Τοῦς ἐσκορπισμένους ἐπισυνάγαγε, τοῦς πεπλανημένους ἐπανάγαγε καὶ συναψον, τῇ ἀγίᾳ σου καθολικῇ καὶ ἀποστολικῇ Ἐκκλησίᾳ (Ib.).

nominis multa rerum gestarum monumenta testantur. Nostis quam egregie de Slavis meruerint sancti in fide patres Cyrillus et Methodius, quorum memoriam Nosmetipsi honore debito augendam aliquot ante annis curavimus. Eorum virtute et laboribus parta plerisque e genere vestro populis humanitas et salus. Quo factum ut Slavoniam inter et romanos pontifices pulcherrima vicissitudo hinc beneficiorum, illinc fidelissimae pietatis diu extiterit. Quod si maiores vestros misera temporum calamitas magnam partem a professione romana alienavit, considerate quanti sit redire ad unitatem. Vos quoque Ecclesia pergit ad suum revocare complexum, salutis, prosperitatis, magnitudinis praesidium multiplex praebitura.

Caritate non minore ad populos respicimus, quos, recentiore memoria, insolita quaedam rerum temporumque conversio ab Ecclesia romana seiunxit. Variis exactorum temporum casibus oblivione dimissis, cogitationem supra humana omnia erigant, animoque veritatis et salutis unice cupido, reputent apud se constitutam a Christo Ecclesiam. Quacum si velint congregationes conferre suas, et quo loco in illis religio sit aestimare, facile dabunt, se quidem multis maximisque in rebus, primordiorum oblitos, ad nova errore vario defluxisse; neque diffitebuntur, ex eo velut patrimonio veritatis, quod novarum rerum auctores secum in secessione avexerant, nullam fere formulam fidei certam atque auctoritate praeditam apud ipsos superesse. Immo vero illuc iam deventum, ut multi non vereantur fundamentum ipsum convellere, in quo religio tota et spes omnis mortalium unice nititur, quod est divina Iesu Christi Servatoris natura. Pariter, quos antea novi veterisque Testamenti libros affirmabant divino afflatu conscriptos, eis nunc talem abnegant auctoritatem: quod sane, data cuilibet potestate interpretandi sensu iudicioque suo, omnino consequi erat necesse. — Hinc sua cuiusque conscientia, sola dux et norma vitae, qualibet alia reiecta agendi regula: hinc pugnantes inter se opiniones et sectae multiplices, eademque persaepe in *naturalismi* aut *rationalismi* placita abeuntes. Quocirca, desperato sententiarum consensu, iam coniunctionem praedicant

et commendant fraternae caritatis. Atque id sane vere: quandoquidem caritate mutua coniuncti esse universi debemus. Id enim maxime Iesus Christus praecepit, atque hanc voluit esse sectatorum suorum notam, diligere inter se. Verum qui potest copulare animos perfecta caritas, si concordēs mentes non effecerit fides? — His de causis complures eorum de quibus loquimur, sano iudicio, veritatisque studiosi, certam salutis viam in Ecclesia catholica quaesivere, cum plane intelligerent nequaquam se posse cum Iesu Christo tamquam capite esse coniunctos, cuius non adhaerescerent corpori, quod est Ecclesia: nec sinceram Christi fidem adipisci, cuius magisterium legitimum, Petro et successoribus traditum, repudiarent. Ii videlicet in Ecclesia romana expressam verae Ecclesiae speciem atque imaginem dispexere, inditis ab auctore Deo notis plane conspicuam: ideoque in ipsis numerantur multi, acri iudicio subtilique ad antiquitatem excutiendam ingenio, qui Ecclesiae romanae ab Apostolis continuationem, dogmatum integritatem, disciplinae constantiam scriptis egregiis illustrarint. Igitur horum virorum proposito exemplo, compellat vos plus animus quam oratio, fratres nostri, qui tria iam saecula nobiscum de fide christiana dissidetis itemque vos, quotcumque deinceps quavis de causa seorsum a nobis abiistis. *Occurramus omnes in unitatem fidei et agnitionis filii Dei.*¹⁾ Ad hanc unitatem, quae nullo tempore Ecclesiae catholicae defuit, nec potest ulla ratione deesse, sinite ut vos invitemus, dextramque peramanter porrigamus. Vos Ecclesia, communis parens, iamdiu revocat ad se, vos catholici universi fraterno desiderio expectant, ut sancte nobiscum colatis Deum, unius Evangelii, unius fidei, unius spei professione in caritate perfecta coniuncti.

Ad plenum optatissimae unitatis concentum, reliquum est ut ad eos, quotquot toto orbe sunt, transgrediatur oratio, quorum in salute diu evigilant curae cogitationesque Nostrae: catholicos intelligimus, quos romanae professio fidei uti obediētes facit Apostolicae Sedi, ita tenet cum Iesu Christo coniunctos. Non ii quidem ad veram

¹⁾ Eph. IV. 13.

sanctamque unitatem cohortandi, quippe cuius iam sunt, divina bonitate, compotes: monendi tamen ne, ingravantibus undique periculis, summum Dei beneficium socordia atque ignavia corrumpant. — Huius rei gratiâ, quae Nosmetipsi gentibus catholicis vel universis vel singulis alias documenta dedimus, ex iis cogitandi agendique normam opportune sumant: illudque imprimis velut summam sibi legem stuant, magisterio auctoritatisque Ecclesiae non anguste, non diffidenter, sed toto animo et perlibente voluntate omnibus in rebus esse parendum. — Qua in re animum advertant, illud quam valde sit unitati christianae perniciosum, quod germanam formam notionemque Ecclesiae variis opinionum error passim obscuravit, delevit. Ea quippe, Dei conditoris voluntate ac iussu, societas est genere suo perfecta: cuius officium ac munus est imbuere praeceptis institutisque evangelicis genus hominum, tuendâque integritate morum et christianarum exercitatione virtutum, ad eam, quae unicuique hominum proposita in caelis est, felicitatem adducere. Quoniamque societas est, uti diximus, perfecta, ideo vim habet virtutemque vitae, non extrinsecus haustam, sed consilio divino et suapte naturâ insitam; eademque de causa nativam habet legum ferendarum potestatem, in iisque ferendis rectum est eam subesse nemini: itemque aliis in rebus, quae sint iuris sui, oportet esse liberam. Quae tamen libertas non est eiusmodi, ut ullum det aemulationi invidiaeque locum: non enim potentiam consecratur Ecclesia, neque ulla cupiditate sua impellitur, sed hoc vult, hoc expetit unice, tueri in hominibus officia virtutum, et hac ratione, hac via, sempiternae eorum saluti consulere. Ideoque facilitatem indulgentiamque maternam adhibere solet: imo etiam non raro contingit, ut plura temporibus civitatum tribuens, uti iure suo absteineat: quod sane pacta ipsa abunde testantur cum imperiis saepe conventa. — Nihil magis ab ea alienum, quam rapere ad se quicquam de iure imperii: sed vicissim vereatur imperium necesse est iura Ecclesiae, caveatque ne ullam ex iis partem ad se traducat. — Nunc vero, si res et facta spectentur cuiusmodi est temporum cursus? Ecclesiam vide-

licet suspectam habere, fastidire, odisse, invidiose criminari nimis multi consueverunt: quodque multo gravius, id agunt omni ope et contentione, ut ditioni gubernatorum civitatis faciant servientem. Hinc sua ipsi erepta bona, et deducta in angustum libertas: hinc alumnorum sacri ordinis circumiecta difficultatibus institutio: perlatae in Clerum singulari severitate leges: dissolutae, prohibitae, optima christiani nominis praesidia, religiosorum sodalitates: brevi, *regalistarum* praecepta atque acta acerbius renovata. Hoc quidem est vim affere sanctissimis Ecclesiae iuribus: quod maxima gignit civitatibus mala, propterea quod cum divinis consiliis aperte pugnat. Princeps enim atque opifex mundi Deus, qui hominum congregationi et civilem et sacram potestatem providentissime praeposuit, distinctas quidem permanere eas voluit, at vero seiunctas esse et conflare vetuit. Quin immo cum Dei ipsius voluntas, tum commune societatis humanae bonum omnino postulat, ut potestas civilis in regendo gubernandoque cum ecclesiastica conveniat. Hinc sua et propria sunt imperio iura atque officia, sua item Ecclesiae: sed alterum cum altera concordiae vinculo colligatum esse necesse est. — Ita sane futurum, ut Ecclesiae imperiique necessitudines mutuae ab illa sese expediant perturbatione, quae nunc est, non uno nomine improvida, bonisque omnibus permolesta: pariterque impetrabitur, ut non permixtis, neque dissociatis utriusque rationibus reddant cives *quae sunt Caesaris, Caesari, quae sunt Dei, Deo*.

Simili modo magnum unitati discrimen ab ea hominum secta impendit, quae *Massonica* nominatur, cuius funesta vis nationes praesertim catholicas iamdiu premit. Turbulentorum temporum nacta favorem, viribusque et opibus et successu insolens, dominatum suum firmiter constabilire, latiusque propagare summa ope contendit. Iamque ex latebra et insidiis in lucem erupit civitatum, atque in hac Urbe ipsa, catholici nominis principe, quasi Dei numen lacessitura consedit. Quod vero calamitosissimum est, ubicumque vestigium posuit, ibi in omnes sese ordines in omniaque instituta reipublicae infert, si tandem summam arbitriumque

obtineat. Calamitosissimum id quidem: eius enim manifesta est quum opinionum pravitas tum consiliorum nequitia. Per speciem vindicandi iuris humani civilisque societatis instaurandae, christianum nomen hostiliter petit: traditam a Deo doctrinam repudiat; officia pietatis, divina sacramenta, tales res augustiores, tamquam superstitiosa vituperat: de matrimonio, de familia, de adolescentium institutione, de privata omni et publica disciplina, christianam formam detrahare nititur, omnemque humanae et divinae potestatis reverentiam ex animo evellere populorum. Praecipit vero colendam homini esse naturam, atque huius unius principiis aestimari ac dirigi veritatem, honestatem, iustitiam oportere. Quo pacto, uti perspicuum est, compellitur homo ad mores fere vitaeque consuetudinem ethnicorum, eamque multiplicatis illecebris vitiosorem. — Hac de re, quamquam alias a Nobis gravissimeque est dictum, Apostolica tamen vigilantia adducimur in idem ut insistamus, etiam atque etiam monentes, in tam praesenti periculo nullas esse cautiones tantas, quin suscipiendae sint maiores. Clemens prohibeat Deus nefaria consilia: sentiat tamen atque intelligat populus christianus, indignissimum sectae iugum excutiendum aliquando esse: excutiantque enixius, qui durius premuntur, Itali et Galli. Quibus armis, qua ratione id rectius possint, iam Nos ipsi demonstravimus: neque victoria incerta eo fidentibus duce, cuius perstat divina vox: *Ego vici mundum.*¹⁾

Utroque depulso periculo, restitutisque ad fidei unitatem imperiis et civitatibus, mirum quam efficax medicina malorum et quanta bonorum copia manaret. Praecipua libet attingere.

Pertinet primum ad dignitatem ac munera Ecclesiae: quae quidem receptura esset honoris gradum debitum, atque iter suum et invidia vacuum et libertate munitum pergeret, administra evangelicae veritatis et gratiae; idque singulari cum salute civitatum. Ea enim cum magistra sit et dux hominum generi a Deo data, conferre operam potest praecipue accommodatam maximis temporum conversionibus in commune bonum temperandis,

¹⁾ Io. XVI. 33.

causis vel impeditissimis opportune dirimendis, recto iustoque, quae firmissima sunt fundamenta reipublicae, provehendo.

Praeclara deinde coniunctionis inter nationes accessio fieret, desideranda maxime hoc tempore, ad taetra bellorum discrimina praecavenda. — Ante oculos habemus Europae tempora. Multos iam annos plus specie in pace vivitur, quam re. Inidentibus suspicionibus mutuis, singulae fere gentes pergunt certatim instruere sese apparatu bellico. Improvida adolescentium aetas procul parentum consilio magisterioque in pericula truditur vitae militaris: validissima pubes ab agrorum cultura, a studiis optimis, a mercaturis, ab artificiiis, ad arma traducitur. Hinc exhausta magnis sump-tibus aeraria, attritae civitatum opes, afflicta fortuna privatorum: iamque ea, quae nunc est, veluti procincta pax diutius ferri non potest. Civilis hominum coniunctionis talemne esse naturam statum? Atqui hinc evadere, et pacem veri nominis adipisci, nisi Iesu Christi beneficio, non possumus. Etenim ad ambitionem, ad appetentiam alieni, ad aemulationem cohibendam, quae sunt maximae bellorum faces, christiana virtute imprimisque iustitia, nihil est aptius: cuius ipsius virtutis munere tum iura gentium et religiones foederum integra esse possunt, tum germanitatis vincula firmiter permanere, eo persuaso: *Iustitia elevat gentem.*¹⁾

Pariter domi suppetet inde praesidium salutis publicae multo certius ac validius, quam quod leges et arma praebent. Siquidem nemo non videt, ingravescere quotidie pericula incolumitatis et tranquillitatis publicae, cum seditiosorum sectae, quod crebra testatur facinorum atrocitas, in eversiones conspirent atque excidia civitatum. Scilicet magna contentione agitur ea duplex causa, quam *socialem*, quam *politicam* appellant. Utraque sane gravissima: atque utriusque sapienter iusteque dirimendae, quamvis laudabilia studia, temperamenta, experimenta sint in medio consulta, tamen nihil aliud tam opportunum fuerit, quam si passim animi ad conscientiam regulamque officii ex interiore fidei christianae principio informentur. — De *sociali* causa

¹⁾ Prov. XIV. 34.

in hanc sententiam a Nobis non multo ante, datâ operâ, tractatum est, sumptis ab Evangelio, itemque a naturali ratione principiis. — De causa *politica*, libertatis cum potestate conciliandae gratiâ, quas multi notione confundunt et re intemperanter distrahunt, ex christiana philosophia vis derivari potest perutilis. Nam hoc posito, et omnium assensu approbato, quaecumque demum sit forma reipublicae, auctoritatem esse a Deo, continuo ratio perspicit, legitimum esse in aliis ius imperandi, consentaneum in aliis officium parendi, neque id dignitati contrarium, quia Deo verius quam homini paretur: a Deo autem *iudicium durissimum iis qui praesunt* denuntiatur, nisi personam eius recte iusteque gesserint. Libertas vero singulorum nemini potest esse suspecta et invisâ, quia nocens nemini, in iis quae vera sunt, quae recta, quae cum publica tranquillitate coniuncta, versabitur. — Denique si illud spectetur, quid possit populorum ac principum parens et conciliatrix Ecclesia, ad utroque iuvandos auctoritate consilioque suo nata, tum maxime apparebit quantum salutis communis intersit ut gentes universae inducant animum idem de fide christiana sentire, idem profiteri.

Ista quidem cogitantes ac toto animo concupiscentes, longe intuemur qualis esset rerum ordo in terris futurus, nec quidquam novimus consequentium bonorum contemplatione iucundius. Fingi vix animo potest, quantus ubique gentium repente foret ad omnem excellentiam prosperitatemque cursus, constituta tranquillitate et otio, incitatis ad incrementa litteris, conditis insuper auctisque christiano more, secundum praescripta Nostra, agricoliarum, opificum, industriorum consociationibus, quarum ope et vorax reprimatur usura, et utilium laborum campus dilatetur.

Quorum vis beneficiorum, humanarum atque excultarum gentium nequamquam circumscrip-ta finibus, longe lateque, velut abundantissimus amnis, deflueret. Illud enim est considerandum, quod initio diximus, gentes multitudine infinitas plura iam saecula et aetates praestolari, a quo lumen veritatis humanitatisque accipiant. Certe, quod pertinet ad sempiternam populorum salutem, aeternae mentis

consilia longissime sunt ab hominum intelligentia remota: nihilominus si per varias terrarum plagas tam est adhuc intelix superstitio diffusa, id non minima ex parte vitio dandum subortis de religione dissidiis. Nam, quantum valet mortalis ratio ex rerum eventis existimare, hoc plane videtur Europae munus assignatum a Deo, ut christianam gentium humanitatem ad omnes terras sensim perferat. Cuius tanti operis initia progressusque, superiorum aetatum |parta laboribus, ad laeta incrementa properabant, cum repente discordia saeculo XVI. deflagavit. Discerpto disputationibus dissidiisque nomine christiano, extenuatis Europae per contentiones et bella viribus, funestam temporum vim sacrae expeditiones sensere. Inidentibus discordiae causis, quid mirum si tam magna pars mortalium moribus inhumanis et vesanis ritibus implicita tenetur? Omnes igitur pari studio demus operam ut concordia vetus, communis boni causâ, restituatur. Eiusmodi reconciliandae concordiae, pariterque beneficiis christianae sapientiae late propagandis, opportuna maxime fluunt tempora, propterea quod humanae fraternitatis sensa nunquam altius in animos pervasere, neque ulla aetate visus homo sui similes, noscendi opitulandique causâ, studiosus anquirere. Immensos terrarum marisque tractus celeritate incredibili cursus et navigia transvehuntur; quae sane egregios usus afferunt, non ad commercia tantummodo curiositatemque ingeniosorum, sed etiam ad verbum Dei ab ortu solis ad occasum late disseminandum.

Non sumus nescii, quam diuturni laboriosisque negotii sit rerum ordo, quem restitutum optamus: nec fortasse deerunt, qui Nos arbitrentur nimiae indulgere spei, atque optanda magis, quam expectanda quaerere. Sed nos quidem spem omnem ac plane fiduciam collocamus in humani generis Salvatore Iesu Christo, probe memores, quae olim et quanta per stultitiam Crucis et praedicationis eius patrata sint, *huius mundi* obstupescente et confusa *sapientia*. — Principes vero et rectores civitatum nominatim rogamus, velint pro civili prudentia sua et fidei populorum cura consilia Nostra ex veritate aestimare, velint auctoritate et gratia fovere,

Quaesitorum fructum si vel pars provenerit, non id minimi fuerit beneficii loco in tanta rerum omnium inclinatione, quando impatientia praesentium temporum cum formidine iungitur futurorum.

Extrema saeculi superioris fessam eladibus trepidamque perturbationibus Europam reliquere. Haec, quae ad exitum properat aetas, quidni, versa vice, humano generi hereditate transmittat auspicia concordiae cum spe maximorum bonorum, quae unitate fidei christianae continentur?

Adsit optatis votisque Nostris *dives in misericordia Deus, cuius in potestate tempora sunt et momenta*, benignissimeque implere maturet divinum illud Iesu Christi promissum, *fiet unum ovile et unus pastor.*¹⁾

Datum Romae apud S. Petrum die XX. Iunii anno MDCCCXCIV, Pontificatus Nostri decimo-septimo.

LEO PP. XIII.

¹⁾ Ioann. X. 16.

General-Bericht der österreichischen Gesellschaft vom Rothen Kreuze.

Dem umfangreichen, zur Besprechung anher übermittelten Berichte werden nachstehende Daten entnommen:

- a) Die österreichische Gesellschaft vom Rothen Kreuze gliedert sich wie im Vorjahre:

In den Oesterreichischen Patriotischen Hilfsverein zugleich Landes-Hilfsverein vom Rothen Kreuze für Niederösterreich;

in die Landes- und Frauen-Hilfsvereine vom Rothen Kreuze für Galizien, für Steiermark und für Tirol;

in die Landes-Hilfsvereine vom Rothen Kreuze für Böhmen, Bukowina, Dalmatien, Görz und Gradiska, Kärnten, Krain, Mähren, Oberösterreich, Salzburg, Schlesien, Triest und Istrien und für Vorarlberg;

in die Frauen-Hilfsvereine vom Rothen Kreuze für Böhmen, Bukowina, Dalmatien, Görz und Gradiska, Kärnten, Krain, Mähren, Niederösterreich, Oberösterreich, Salzburg, Schlesien, Triest und Istrien;

zusammen in 28 Stammvereine in den Königreichen und Ländern, denen 438 Zweigvereine affiliert sind.

Die Zahl der den Bundesvereinen angehörenden ordentlichen Mitglieder beträgt 47.900, welche im Sinne der Statuten der Gesellschaft gleichzeitig ordentliche Mitglieder derselben sind. Nebst diesen weisen die verbündeten Vereine noch 3027 unterstützende und 208 Ehrenmitglieder aus, so daß mit Hinzurechnung der 8 Ehren-

mitglieder der Gesellschaft die Gesamtzahl der Mitglieder des Oesterreichischen Rothen Kreuzes 51.143 beträgt.

- b) Am Schlusse des Verwaltungsjahres 1893 betrug der Centralfond . . . fl. 2,441.432.14·5
das Vermögen des Oesterreichischen Patriotischen Hilfsvereines zugleich Landes-Hilfsvereines v. Rothen Kreuze für Niederösterreich . . . " 143.055·38
jenes der Doppel-Vereine, des Landes- und Frauen-Hilfsvereines vom Rothen Kreuze . . . " 499.923·52·5
das der Landes-Hilfsvereine vom Rothen Kreuze . . . " 365.401·82·5
der Frauen-Hilfsvereine vom Rothen Kreuze . . . " 337.550·87
endlich jenes der Zweigvereine . . . " 528.516·07·5
mithin betrug das Gesamtvermögen des Bundes . fl. 4,315.879.82
im Vergleiche zum Vorjahre eine Vermehrung des Centralfondes um fl. 8237.34
und eine Vermehrung des Vermögens der Bundesvereine um fl. 101.872.40

Der Inventarwert der Gesellschaft erscheint mit	fl.	605.620-99
jener der Bundesvereine mit	"	96.916-01-5
zusammen mit	fl.	702.537-00-5

bezüffert.

Der Wert der Wagen-Depots und sonstigen Baulichkeiten der Gesellschaft beträgt fl. 189.437-91.

- c) Bei der Bundesleitung und den Bundesvereinen werden in Evidenz geführt, sind beziehungsweise für den Mobilisierungsfall im Jahre 1894 angeboten worden:

31 Vereins-Reserve- spitäler für	156 Officiere, 6875 Mann
7 Vereins-Reconvales- centenhäuser für	— " 708 "
Reserve-Spitäler der hochw. Geistlichkeit für	5 " 962 "
Reserve-Reconvales- centenhäuser der hochw. Geistlichkeit für	— " 1601 "
(oder nach den Alter- nativ-Anträgen für 15 Officiere und 1571 Mann)	
Sonstige Reserve- spitäler und Spitals- anerbietungen für	106 " 2666 "
Sonstige Reconvales- centenhäuser für	10 " 40 "
Zusammen Spitalsmä- ßige Unterkünfte	277 Offic. u. 12.852 Mann

Bezüglich der Anerbietungen der hochwürdigsten Geistlichkeit wird berichtet, daß die Ende 1891 angeregte Revision derselben noch nicht abgeschlossen ist. Ein Theil der aus den Jahren 1880 und 1881 stammenden alten Anerbieten ist bereits erneuert, der andere größere Theil derselben älteren Anerbietungen der hochwürdigsten Geistlichkeit, wegen deren Erneuerung noch Verhandlungen gepflogen werden, erscheint bis zur endgiltigen Feststellung derselben wie bisher in der Evidenz der Bundesleitung ausgewiesen.

- d) Den Berichten der verbündeten Vereine zufolge sind für das Jahr 1894 Anerbietungen zur Uebernahme von 2481 Officieren und 9353 Mann in die Privatpflege angemeldet worden, darunter Anerbietungen der hochwürdigsten Geistlichkeit für 163 Officiere und 899 Mann und sonstige

Anerbietungen für 2318 Officiere und 8454 Mann. Es ist somit gegen das Vorjahr eine neuerliche bedeutende Vermehrung der Privat-Pflegestätten für 372 Officiere und 1047 Mann zu verzeichnen, an welcher die Landes-Hilfsvereine für Schlesien, Galizien, Steiermark, Oberösterreich und Böhmen in hervorragender Weise participieren.

- e) Zur Dienstleistung in den Sanitätsanstalten und Pflegestätten des Rothen Kreuzes im Hinterlande werden von den Landes- und Frauen-Hilfsvereinen vom Rothen Kreuze 386 Aerzte, darunter 63 Landsturmpflichtige in Evidenz geführt.

Ferner hat sich eine Anzahl Apotheker zur Beistellung von Medicamenten, theils kostenfrei, theils zu ermäßigten Preisen angeboten. Im Ganzen liegen Anerbietungen von 56 Apothekern und Pharmacenten vor.

Für eine verlässliche Krankenpflege ist fast in allen Vereins-Sanitätsanstalten durch geistliche Krankenpflegerinnen (Ordensschwestern) vorgesorgt, welche im Mobilisierungsfall seitens zahlreicher geistlicher Frauenorden in patriotischer Weise dem Rothen Kreuze beigelegt werden.

Den beiden mährischen Landes-Hilfsvereinen stehen 29 auf ihre Kosten ausgebildete, im eigenen Pflegerinnenheim in Brünn (Waisenhausegasse) untergebrachte geistliche Pflegerinnen, und zwar: 1 Oberin, 23 Schwestern und 5 Candidatinnen der Congregation vom III. Orden des heiligen Franz von Assisi, zur Verfügung.

Im Ganzen sind somit für den Pflegedienst in den Vereins-Sanitätsanstalten sichergestellt: 496 geistliche Krankenpflegerinnen und die früher genannten 31 geistlichen Kranken- 202 weltliche Pfleger.

Ueberdies ist eine Anzahl von 119—209 Ordensschwestern für Militär-Heilanstalten zur Verfügung gestellt worden.

- f) Zum Schlusse richtet die Bundesleitung an alle Bundesmitglieder die warme und herzliche Bitte, in ihrer bisherigen erspriesslichen, auf die Vervollkommnung der Organisation des Hilfsvereinswesens abzielenden Thätigkeit auszuharren und auch fernerhin in ihren Kreisen neue Mitglieder, Freunde und Gönner des Rothen Kreuzes zu werben. Die Hilfe, welche das Rothe Kreuz in der Zeit schweren Unglückes zu leisten hat, soll nicht das Werk Einzelner, sondern möglichst das Werk Aller sein.

44.

Concurs - Verlautbarung.

Die vacante Pfarre Vrh. im Decanate Semič, wird hiemit zur Bewerbung ausgeschrieben.

Die Competenzgesuche sind an das hochw. Collegiat-Capitel in Rudolfswerth zu stylisiren.

Die Religionsfondspfarre Banja-Loka, im Decanate Gottschee, wird ebenfalls zur Bewerbung ausgeschrieben.

Die Gesuche sind an die hochlöbliche k. k. Landesregierung zu richten.

Peremptorischer Competenztermin 2. October 1894.

45.

Chronik der Diöcese.

Die canonische Investitur erhielten die Herren: Josef Samide, Pfarrprovisor in Rieg, auf diese ihm definitiv verliehene Pfarre, am 26. Juli; Andreas Cesenj, Pfarrcooperator in Moravče, auf die Pfarre Podgrad, am 30. Juli; Josef Skofic, Pfarrprovisor in Železniki, auf diese ihm definitiv verliehene Pfarre, am 8. August; Mathias Jeriha, Klosterbeichtvater in Skofja Loka, auf die ihm verliehene Chorberrnstelle des Collegiat-Capitels in Rudolfswerth, am 10. August, und Joh. Kunauer auf die Pfarre Golo, am 16. August 1894.

Der supplierende Religionslehrer am Staatsuntergymnasium in Laibach, Dr. Andreas Karlin wurde zum Religionslehrer an dieser Anstalt ernannt.

Herr Dr. Johann Koren wurde zum Adjuncten der theol. Lehranstalt und Dr. Josef Debevec zum Aloisianums-Präfecten ernannt.

Herr Andreas Šarc, Pfarrer in Gojzd, wurde in den bleibenden Ruhestand versetzt.

Dem Herrn Anton Krainer, Pfarrer in Unter-Lag, wurde die Pfarre Ebenthal verliehen.

Herr Rochus Merčun, Katechet an der äußeren Mädchenschule der Ursulinen in Laibach, wurde als Beichtvater des Ursulinen-Klosters in Skofja Loka, und Herr Valentin Eržen, Vorstadtpfarrcooperator und Schilling'scher Beneficiat in Laibach, als solcher des Ursulinen-Klosters in Ljubljana decretirt.

Versetzt wurden die Herren: Franz Pavlin, Pfarrcooperator in Toplice, als II. Cooperator nach Semič; Mojs Stroj, Coop. in Črni Vrh, als Katechet an der Mädchenschule der Ursulinen in Laibach; Vincenz Čibasek, Pfarrcooperator in Mirna, als Pfarrvikariatscooperator nach Črni Vrh ob Idrija; Dr. Johann Mairing, Pfarrcoop. in Kranj als solcher nach St. Vid bei Zatičana; Franz Perne, Pfarrcooperator bei St. Jakob in Laibach, als Cooperator und prov. Gymnasial-Katechet in Kranj; Leopold Rihar, Pfarrcooperator in Sv. Kriz bei Trzic, als Pfarrprovisor nach Gojzd; Johann Bartelme, Pfarrcooperator in Preserje,

als Pfarrprovisor nach Unterlag; Franz Hiersche, Pfarrcooperator in Zagorje, als Lichtenberg'scher Beneficiat und Expositus nach Vrhpolje bei Moravče; Thomas Rožnik, Pfarrcoop. in Polhov Gradec, als solcher nach Zagorje; Franz Ferjančič, Pfarrcoop. in Trnovo p. Ilir. Bistrici, als solcher nach Trnovo in Ljubljana; Andreas Plečnik, Pfarrcooperator zu Trnovo in Ljubljana, als solcher nach St. Peter in Ljubljana; Johann Šiška, Pfarrcooperator in Šmarije, als solcher nach Vodice; Anton Medved, Pfarrcooperator in Černomelj, als solcher nach Šmarije; Franz Pokorn, Pfarrcoop. in Stara Loka, als Expositus nach Besnica; Heinrich Povše, Pfarrcoop. in Krka, als solcher nach Žuzemberk; Johann Zabukovec, Pfarrcoop. in Križevo bei Kostanjevica, als solcher nach Slavina; Augustin Sinkovec, Pfarrcoop. in Žuzemberk, als solcher nach Stara Loka; Martin Poljak, Pfarrcoop. in Šmihel b. Rudolfswerth, als Pfarrprovisor nach Ajdovec; Johann Lesar, Pfarrcooperator in Slavina, als Pfarrprovisor nach Peče und Josef Seigerschmied, Pfarrcoop. in Kostanjevica, als Pfarrprovisor nach Zaplana.

Neuangesetzt wurden die Herren: Anton Mlakar als Pfarrcooperator in Toplice, Rafael Winkler als solcher in Mirna, Valentin Marčič als solcher in Polhov Gradec, Franz Žuzek als solcher in Trnovo pri Ilir. Bistrici, Franz Pristov als solcher in Černomelj, Josef Vole als solcher in Križe p. Trzic, Felix Knizek als solcher in Preserje, Mathias Kastelic als solcher in Kostanjevica, Johann Medved als solcher in Križevo bei Kostanjevica, Anton Mezeg als solcher in Selca, Johann Štrukelj als solcher in Krka, Audr. Krajec als solcher in Šmihel und Dr. Franz Ušeničnik als Stadtpfarrcoop. bei St. Jakob in Ljubljana.

Am 6. Juli 1894 ist der k. k. Marine-Pfarrer, Herr Johann Fajdiga und am 25. August 1894 Herr Johann Koman, Pfarrer Mariae Majoris zu Triest, in Laibach gestorben, welche hiemit dem Gebete des hochw. Diöcesan-Clerus empfohlen werden.

Dom fürstbischöflichen Ordinariate Laibach am 20. August 1894.